

# Pagsasao a Kabalian

Ti **pagsasao a Kabalian** (Cabalian), ***Kinabalian***, ket insasao idiay akin-abagatan a daya nga ungto ti isla ti Leyte idiay Filipinas. Daytoy ket asideg a kabagian ti Waraywaray.

Tinawtawagan dagiti patneng nga agsasao datoy a kas ***Cabalianon*** wenno ***Kinabalianon***. Daytoy a pagsasao ket makibinningay kadagiti naisangayan a pannakailasin iti Cebuano, Boholano, ken Surigaonon gapu unay ti panaglayag a pagsapulan dagiti nagtataeng iti kasakbayan ti Espaniol iti Cabalian, a dinokumentuan babaen dagiti eksplorador nga Espaniol. Ti Waray ket saan anagrang-ay kadagiti akin-abagatan a paset ti Leyte gapu kadagiti bantay iti amianan ken abagatan a paset ti isla. Daytoy ket maitunos iti pamunganayan iti *panagsina ti banbantay*; *maikaysa dagiti baybay* iti pannakaiwaras ti sasao a Filipino.

Ti kakaruan nga impluensia iti Kabalian ket ti Surigaonon, gapu ti panagsasarak a nagbaetan iti Cabalian ken Surigao iti paset ti nasapa a panawen ti Espaniol. Dagiti Cabalianon, ken dagiti pay patneng ti Sogod, ket kankanayonda a nagbibiahe iti Surigao ken Butuan tapno agalada iti balitok, ti kinapudno nga inrehistro babaen ni Agustín María de Castro ti Agustiniano a Prayle iti *Osario venerable*.

Ti Kabalian ket naisasao kadagiti 6 a purok idiay ili ti San Juan (Cabalian) Probinsia ti Akin-abagatan a Leyte. Dagitoy a baranggay ket mabirukan iti akindaya a parte ti ili. Ti kaadu ti Kabalian iti daytoy a bangir ti ili ket gapu ta dagiti migrante manipud iti Cebu ken Bohol ket tinataenganda ti akinlaud a parte ti ili, a naipangpangruna ti Pong-oy, ken idiay pay Himatagon, ti sentro ti negosio ti Saint Bernard, fti dati a parte ti Cabalian, a nagresultaan ti nagin-inut a panagawan ti pagsasao kadagitoy a parte.

Urayno ti Kabalian ket pagsasao a Warayan, daytoy ket addaan iti naglalaok nga elemento ti Boholano, Cebuano ken Surigaonon, ti kapada a tabas a mabirukan pay iti Baybayanon. Nupay kasta, ti Kabalian ket saan nga agsinnaranay a maawatan iti Waraywaray, Boholano, Cebuano wenno Surigaonon. Dagiti agsasao iti Kabalian ket saanda nga etniko wenno lingguistiko a mangilasin kaniada kadagitoy a pagsasao.

## Dagiti nagibasaran

1. Kabalian (<https://www.ethnologue.com/18/language/cbw/>) iti *Ethnologue* (Maika nga ed., 2015)
2. Hammarström, Harald; Forkel, Robert; Haspelmath, Martin, dagiti ed. (2017). "Kinabalian" (<http://glottolog.org/resource/languoid/id/kina1252>). *Glottolog 3.0* (iti Ingles). Jena, Alemania: Instituto para iti Ebolusionario nga Antropolohia ni Max Planck.

Kabalian	
Cabalianon, Kinabalianon	
Kinabalian	
Patubo iti	Filipinas
Rehion	Leyte
Patubo a mangisasao	14,000 (2009) <sup>[1]</sup>
Pamilia	<div>Austronesio <ul style="list-style-type: none"><li> Malayo-Polinesio<ul style="list-style-type: none"><li>Filipino<ul style="list-style-type: none"><li>Tengnga a Filipino<ul style="list-style-type: none"><li>Bisaya<ul style="list-style-type: none"><li>Tengnga a Bisaya<ul style="list-style-type: none"><li>Warayan<ul style="list-style-type: none"><li><b>Kabalian</b></li></ul></li></ul></li></ul></li></ul></li></ul></li></ul></li></ul></div>
Kodkodigo ti pagsasao	
ISO 639-3	cbw
Glottolog	kina1252 ( <a href="http://glottolog.org/resource/languoid/id/kina1252">http://glottolog.org/resource/languoid/id/kina1252</a> ) <sup>[2]</sup>

---

**Daytoy a panid ket naudi a naurnos idi 18 Nobiembre 2016, 06:28.**

Ti teksto ket magun-od babaen ti Lisensia ti Creative Commons Attribution-ShareAlike; dagiti mainayon a termino ket mabalin pay a maipakat. Kitaen dagiti Termino ti Panagusar para kadagiti salaysay.